

Ilay Voa Tsara Nafafy 16
Aogositra 2020

16 Alahady aogositra

Isaorana anie Andriamanitra, Rain'i Jesosy Kristy Tompontsika, Rain'ny famindrampo sady Andriamanitra ny fampiononana rehetra, Izay mampionona anay amin'ny fahorianay rehetra.

2 Korintiana 1. 3, 4

Tsy mitsahatra ny fiantrany. Vaovao isa-maraina izany. Fitomaniana 3. 22, 23

Mangora-po Jesosy

Anisan'ny mpikambana mavitrika tao amin'ny Armée du Salut i Frederick Booth-Tucker, tany India aloha, avy eo tany Amerika, ary farany tany Angletera. Maty ny vadiny voalohany, tamina valan'aretina „choléra”. Nanambady fandiroany izy ka nanan-janaka sivy ; ny telo tamin'ireo dia maty mbola kely. Indray hariva, nitoriteny momba ny fangoraham-pon'i Jesosy izy, no nanatona azy ny mpihaino iray ary nilaza taminy hoe : „Raha maty, toy ny ahy, ny vadi-nao, ary mitomany an-dreniny ny zanakao, dia tsy ho hainao atao ny hiteny hoe misy Andriamanitra fitiavana, malalatsaina sy mangora-po !”

Andro vitsivitsy taorianan'izany dia maty tamina lozam-piarandalamby ny vady faharoan'ilay mpitoriteny, namela azy ho irery niaraka tamin'ny zanany enina. Rehefa hifara-na ny fandevenana dia nitsangana teo anoloan'ny tranovorona izy, nitodika tamin'ireo mpanatrika, ary nilaza hoe : „Vao tsy ela dia nisy olona iray niteny tamiko hoe raha maty ny vadiko, dia tsy ho afaka hanambara aho hoe feno fangoraham-po Jesosy Kristy. Raha eto io olona io, dia te hiteny aminy aho fa *manome ahy izay rehetra ilai Kristy, amin'izao fotoana itenenako izao*. Lehibe ny fahoriako, kane-fa Izy izao no mampahery ahy.” Teo tokoa ilay olona voala-za, ary nanatona nandohalika teo akaikin'ny tranovorona, mba hamelany an'i Booth-Tucker hanambara aminy hoe iza moa Jesosy, ho an'ny olona mino.

Jesosy irery no hany afaka mangoraka ny fahorantsika. „Koa aoka isika hanatona ny sezafiandrianan'ny fahasava-na amin'ny fahasahiana, mba hahazoantsika famindrampo sy hahitantsika fahasoavana, ho famonjena amin'izay andro mahory” (Hebreo 4. 16).